

**CHAWNGTE, N. VANLAIPHAI LEH PANGBALKAWN TE THILPHUT
CHUNGCHANGA HEALTH & FAMILY WELFARE DEPARTMENT THUCHHUAH**

I - CHAWNGTE

Mizoram Sawrkar hnuaia Health Department-ah hian hnathawktu leh equipments indaihlohna nasa tak kan tawh mek a. Hetiang karah hian Sawrkar chuan duhsak takin Chawngte leh a chhehvel mipuite tan a hnuai ami ang hian hmalak a tum mek a ni.

1. **Ambulance chungchang :** Tunah hian Sawrkar atangin ambulance lei phalna dawn a ni tawh a. Sawrkar kalphung angin lei tura buaipui mek a ni.
2. **Ultrasound :** Tunah hian Ultrasound Machine hi National Health Mission hnuai atanga lei tura buaipui mek a ni a.
3. **Health Supervisor :** Tunah hian Health Supervisor post-a kaisang tur engemaw zat an awm a, an kaisan veleh Chawngte ah hian Health Supervisor dah tum a ni.
4. **Chawngte 'C' sub centre a Health Worker :** Chawngte 'C' ah hian Health & Wellness Officer -1 leh Health Worker -1 an awm mek nachungin, mipui an cover tam em avangin Health Worker pakhat dah belh tum a ni.
5. **Doctor dah belh :** Chawngte CHC hi Mizoram CHC zingah Sub Divisional Medical Officer (SDMO) nei awm chhun an ni a. Tunah hian Doctor -4 an awm mek a, chungte chu –
 - (i) Sub Divisional Medical Officer (MBBS) - 1.
 - (ii) Medical Officer (MBBS) - 1.
 - (iii) Dental Surgeon - 1
 - (iv) Medical Officer (Ayush) - 1

Mizoram chhunga CHC zawng zawng zinga doctor nei tam ber zing ami an ni mek.

6. **X-ray machine & Technician :** Chawngte CHC ah hian X-ray machine 2 a awm mek a. Report kan dawn danin heng machine te hi a la hmantlak ni a hriat a ni a. A dinhmun hi zirchian anih hnuaah a tul anga ngaihtuah a ni ang.

II - N. VANLAIPHAI

N. Vanlaiphai PHC-ah hian National Ayush Mission (NAM) hnuaiah AYUSH Doctor Post an nei lo a. Chuvangin AYUSH Doctor thawk lai mek hi National Ayush Mission (NAM) hnuaia post awmna hmunah sawn a ni.

III - PANGBALKAWN

Pangbalkawn Health & Wellness Centre hnuaiah hian Health & Wellness Officer – 1 no leh Health Worker – 2 nos an awm thin a. Hetih lai hian Darlak khua-ah Health Worker an awm loh avangin Pangbalkawn Health & Wellness Centre atangin Health Worker -1 no chu Darlak ah sawn a ni.

Dated : 13th August, 2024


(SANGCHHIN CHINZAH)
Secretary to the Govt of Mizoram
Health & Family Welfare Department